

यहूदासे भ्रिबा चिठी

चु चिठीला बारेरी पाङ्तो:मा

भ्रिबा म्हि: येशूदेन याकूबला आले यहूदासे भ्रिबा मुबा (यहूदा १:१, मत्ती १३:५५, मर्कुस ६:३)।

भ्रिबा ग्ला: पक्का था आरे, तर कोइ कोइ बाइबल विद्वानगदेसे यरूशलेम शहरग्याम तखम्ला भिसी पाङ्बा मुला।

भ्रिबा साल: ओस्पन ईश्वी संवत् ६५-७० (विक्रम संवत् १२२-१२७) सालला गुडरी भ्रिबा मुबा।

खाल्दा भ्रिबा: येशूदा विश्वास लबा म्हिगदेदा भ्रिबा मुबा।

यहूदासे चु चिठी लुसीला ताम लोप्बा म्हिगदेग्याम होशियार तना लबाला लागिरी भ्रिबा मुबा। थे लुसीला ताम लोप्बा म्हिगदेसे हाडसे हाडदान येशूदा विश्वास लबा म्हि हिन्ना भिसी पाङ्मुबा। चु चिठी पत्रुससे भ्रिबा न्हीरेमला चिठी हङ्बान मुला। यहूदासे चु चिठी पढब लबागदेदा परमेश्वरसे हाडला म्हिगदेदा पिन्बा विश्वासदा जोगब लसी थान्बाला लागिरी आँट पिन्बा मुला।

मुल तामगदे

- फ्याफुल्बा १-२
- लुसीला ताम लोप्बागदेला बानीबेहोरदेन होशियार तना लबा तामगदे ३-१६
- विश्वासरी कोङ्सी चिउ भिसी होशियार तना लबा १७-२३
- परमेश्वरला जयजयकार लबा २४-२५

यहूदासे भिबा चिठी

१ लास्सो, येशू ख्रीष्टदा तेन्बा डा याकूबला आले यहूदाग्याम परमेश्वरसे धम्सी माया लबागदेदेन येशू ख्रीष्टसे जोगब लसी थान्बागदेदा फ्याफुल्ला!*

२ एनीगदेसे परमेश्वरग्याम ल्हानान दया, शान्तिदेन माया याङ्गै।

पाप लबागदेदा परमेश्वरसे सजाय पिन्ना

३ डाला सेम निबा होगदे, यहाडला परमेश्वरसे माया लसी थाना लबा गेला बारेरी सेमहेन्सेन भिड म्हन्मुबा। तर परमेश्वरसे हाडला लागिरी फेसी थान्बा म्हिगदेदा सदनना लागिरी तिरेम पिन्बा विश्वासदा जोगब लसी थान्बारी चा एनीगदेसे भड याङ्गै भिसी डाइ चु ताम भिनोन तो:ला भिसी म्हन्जी। ४ तिगदा भिसम लुसीला ताम लोप्बा कोइ कोइ म्हिगदे एनीगदेला गुडरी खालैसे था आयाङ्ना लसी वाङ्बा मुला। थेनीगदे चा परमेश्वरदा आतेन्बा म्हि हिन्ना। थेनीगदेसे एनीगदेदा

परमेश्वरग्याम दयामाया याङ्बा गा भिसी पाप लपुङ्मुला। ओच्छे येशू ख्रीष्टनोन यहाडला प्रभुदेन मालिक हिन्ना भिसीएनोन विश्वास आलमुला। चुहङ्बा म्हिगदेसे परमेश्वरग्याम सजाय याङ्ला भिसी डाच्छान परमेश्वरला बचनरी भिबा मुला।

५ डाच्छा प्रभुसे तिग तिग लजी भिबा ताम एनीगदेदा था मुसैनोन डाइ एनीगदेदा कोइ कोइ ताम ढन्ना लला। थेसे हाडला म्हि इस्राएलीगदेदा मिश्र यहुल्साग्याम ते:सी भजी। तसैनोन थेनीगदे न्हडला विश्वास आलबा म्हिगदेदा लिच्छा नाश लजी।* ६ ओच्छे थेदा पिन्बा अधिकारला वास्ता आलना हाडला ग्ला र्लासी भ्रबा स्वर्गदूतगदेदाएनोन निसाफ लबा धुडरी सजाय पिन्बाला लागिरी खाइमै स्योर्बारी आखम्ना लसी प्रभुसे च्याल्दासे खीसी धोपधोप्बा ग्लारी थान्बा मुला। ७ थेहङ् लसीन सदोमदेन गमोरा भिबा शहर ओच्छे थे शहरला क्यारमारला

शहरला जम्मान म्हिगदेदा प्रभुसे नाश लजी। तिग्दा भिसम थेनीगदे स्थान्दोदेन छ्याम ब्रेल्सी भ्रबादेन हेम्फेबे हेम्फेबेन ब्रेल्सी नइबा गे लसी भ्रमुबा। थे म्हिगदेदा खाइमै आसिबा मेग्याम सजाय पिन्सी दान्देला म्हिगदेदा उन्बा मुला।*

^८थेहङ् लसीन म्हड प्राङ्बा चु लुसीला ताम लोण्बा म्हिगदेसे हाडसे हाडदान पाप लपुङ्मुला, ओच्छे परमेश्वरग्याम अधिकार याङ्बा म्हिगदेदा हेला लबादेन स्वर्गरी मुबागदेदा खिसी लमुला। ^९मुल स्वर्गदूत मिखाएलसेनोन मोशाला लासला बारेरी शैतानदेन छ्याम अधिकारला ताम लमा शैतानदा बिरोध लसी आबङ्ना “प्रभुसेन एदा बङ्गै” भिसी पाङ्बा मुबा।* ^{१०}तर चुहङ्बा म्हिगदेसे चा हाडसे घोटो:बा तामएनोन घोनोन आघोना बिरोध लसी भ्रमुला। तिग्दा भिसम थेनीगदे ज्ञान आरेबा जन्तुगदे हङ्बान मुला। थेहङ्बा बानीबेहोरसे लमान थेनीगदे नाश तला।

^{११}थेनीगदेसे परमेश्वरग्याम घेन सजाय याङ्गला। तिग्दा भिसम थेनीगदे कयिन भिबा म्हिला हङ्बान बानीबेहोर थोसी भ्रबा मुला। ओच्छे टाङ्गाला लागिरी बालाम भिबा म्हिसे

लबा हङ्बान नइबा गे लसी भ्रबा मुला। थेहङ् लसीन कोरह भिबा म्हिसे हङ्बानोन परमेश्वरग्याम अधिकार याङ्बा तिगै दोष आरेबा म्हिगदेदान बिरोध लसी भ्रबा मुला। थेतबासेलमा थेनीगदेएनोन थे म्हिगदे हङ्बानोन नाश तला।*

^{१२}चु म्हिगदे चा एनीगदेसे मण्डलीरी लबा भोजगदेरी बेइज्जत लबागदे हिन्ना। तिग्दा भिसम थेनीगदेसे तिगै धन्दा सुर्दा आलना हाङ्गला जे वास्ता लसी ल्हानान चबा थुङ्बा लमुला। थेनीगदे लाबासे भोर्बा नाम आरेबा खसुदेन तिगै आरोबा सेर्खला दोङ् हङ्बान हिन्ना। थेहङ्बा दोङ् चा न्हीरमधोना सिसी टाहेन्सेन नइसी गुर्मुला। ^{१३}थेनीगदे समुन्दरी रे:बा छाल हङ्बान हिन्ना। तिग्दा भिसम समुन्दरी छाल रे:मा बोप्स्या थोन्बा हङ् लसी थेनीगदेला सुङ्ग्याम नइबा तामगदे थोन्ना। थेहङ् लसीन थेनीगदे मुग्याम ताइसी म्हासी निबा सार हङ्बान मुला। थेहङ्बा म्हिगदेला लागिरी चा जुकजुकधोनाला लागिरी धोपधोण्बा ग्ला स्होसी थान्बा मुला।

^{१४}आदमहेन्से पुस्ता निस लिच्छाला हनोक भिबा म्हिसेनोन थेहङ्बा म्हिगदेला बारेरी डाच्छान चुहङ् भिसी पाङ्बा मुबा, “च्यागो,

१:७ उत्प १६:१-२४

१:६ दानि १०:१३, २१; १२:१; उन्बा १२:७; व्यव ३४:६; जक ३:२

१:११ उत्प ४:३-८; गन्ती २२:१-३५; १६:१-३५

परमप्रभु भयासीन भयाबारी आखम्बा
हाडला म्हिगदेदेन^१ छ्याम फेप्खबान
मुला।^{*} १५थेसे जम्मान म्हिगदेला
निसाफ लला ओच्छे परमेश्वरदा
आतेन्ना पाप गे लसी परमेश्वरला
बिरोध लसी नइबा ताम लबागदेदा
सजाय पिन्ना। १६गनगन लबागदे,
स्थान्दोदा दोष लबागदे, नइबा
सेम अन्छार गे लबागदे, घेन दोःसी
ताम लबागदेदेन हाडला फाइदाला
लागिरी लुसीला ताम पाड्बागदे चा
चुगदेन हिन्ना।”

विश्वास थारुलागो भिसी पाड्बा

१७तर डाला सेम निबा ह्गोगदे,
एनीगदेसे य्हाडला प्रभु येशू ख्रीष्टला
मुल चेलागदेसे डाच्छा पाड्बा
ताम थाम्लेःगो। १८थेनीगदेसे चुहड्
भिसी पाड्मुबा, “लिच्छाला धिनरी
परमेश्वरदा आतेन्बादेन सेमरी जे
लइ म्हन्बा थेनोन अन्छार लसी भ्रबा
म्हिगदेसे खिसी लला।”^{*} १९एनीगदेदा
गिकसेम गिकग्याम फेना लबा म्हिगदे,
म्हिला ज्ञान बुद्धि अन्छार भ्रबा
परमेश्वरला आत्मा आरेबा म्हिगदे
चुगदेन हिन्ना।

२०तर डाला सेम निबा ह्गोगदे,
एनीगदे चा हाडसे लबा चोखो

विश्वासरी बढब तबान निउ। ओच्छे
परमेश्वरला आत्माला शक्तिरी
प्रार्थना लउ। २१जुकजुकधोनाला
जुनी याड्बाला लागिरी एनीगदेसे
य्हाडला प्रभु येशू ख्रीष्टला दया
भ्रान्सी चिउ, ओच्छे परमेश्वरला
मायारी हाडसे हाडदान जोगब
लसी थान्गो। २२थेहड् लसीन शङ्का
लबा म्हिगदेदा एनीगदेसे दया लउ।
२३स्थान्दोगदेदा नर्गला मेग्याम
तेःसी जोगब लउ, ओच्छे खालै
खालैदा दया लबारी होशियार तउ,
पापसे लमा न्होड्बा थेनीगदेला
बानीबेहोरदा बिरोध लउ।

परमेश्वरला जयजयकार लउ

२४एनीगदेदा पापरी फसब तबाग्याम
जोगब लबा शक्तिशाली परमेश्वरला
जयजयकार तगै। थेसे एनीगदेदा तिगै
दोष आरेबा म्हि स्होसी हाडलान घेन
य्हालला डाच्छा ताड्ना लसी भोर्ला।
२५य्हाडला प्रभु येशू ख्रीष्टग्याम
य्हाडदा थार्ना लबा थेनोन परमेश्वर
गिक जे सदन जम्मान भन्दा घेन ओच्छे
थेदा जे घेन मानदेन जयजयकार ओच्छे
शक्तिदेन अधिकार डाच्छाहेन्से
दान्देधोना ओच्छे जुकजुकधोनान
तगै। आमेन।

१:१४ ग्रीक बाइबलरी “म्हिगदे” भिसी पाड्बा आरे। थेतबासेलमा बाइबलला ल्हाना
हड्बा विद्वानगदेसे स्वर्गदूतगदे हिन्ना भिसी पाड्बा मुला (मत्ती २५:३१)।

१:१४ उत्प ५:१८, २१-२४ १:१८ २ पत्र ३:३